



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/5-1-30-4-6833-2

Dana: 11.01.2023. godine

Na osnovu člana 23. stav (3) tačka e) i h) Zakona o unutrašnjim poslovima Kantona Sarajevo ("Sl. novine Kantona Sarajevo", br. 1/16, 26/19, 31/19 i 39/20) i Zaključka Vlade Kantona Sarajevo br. 02-04-43961-44/22 od 27.10.2022. godine, postupajući po zahtjevu Muratović Nesiba, policijski komesar u Ministarstvu unutrašnjih poslova Kantona Sarajevo, **d o n o s i**

R J E Š E N J E

I Udovoljava se zahtjevu MURATOVIĆ NESIBA, iz Sarajeva, te se u skladu sa Zaključkom Vlade Kantona Sarajevo br. 02-04-43961-44/22 od 27.10.2022. godine odobrava uplata doprinosa za penzijsko i invalidsko osiguranje za period od 08.04.1992. do 23.12.1995. godine.

II Imenovani je u periodu iz tačke I rješenja obavljao poslove ovlaštenog službenog lica na kojim se staž računa sa uvećanim trajanjem.

III Za realizaciju ovog rješenja zadužuje se Sektor za materijalno-finansijske poslove.

O b r a z l o ž e n j e

Muratović Nesib, ratni vojni invalid iz Sarajeva, dana 26.12.2022. godine obratio se zahtjevom za uplatu doprinosa za penzijsko i invalidsko osiguranje za period od 08.04.1992. do 23.12.1995. godine, radi odlaska u penziju.

Zaključkom Vlade Kantona Sarajevo br. 02-04-43961-44/22 od 27.10.2022. godine, data je saglasnost Ministarstvu unutrašnjih poslova Kantona Sarajevo - Upravi policije da po podnesenom ličnom zahtjevu za uplatu doprinosa zbog ispunjavanja uslova za odlazak u penziju, uplati doprinose u periodu od 01.04.1992. do 23.12.1995. godine, licima koja od formiranja Ministarstva unutrašnjih poslova kantona Sarajevo u istom imaju ili su imala status policijskog službenika (ovlaštena službena lica) i koji su bili u radnom odnosu u Centru službi bezbjednosti Sarajevo.

Članom 31b. Zakona o pravima branilaca i članova njihovih boraca ("Sl. novine FBiH", br. 33/04, 56/05, 70/07, 9/10, 90/17 i 29/22) propisano je da ratni vojni invalidi stiču pravo na punu starosnu penziju sa navršenih 35 godina penzijskog staža, bez obzira na godine života, odnosno pravo na starosnu penziju kad navrše 55 godina života i najmanje 15 godina penzijskog staža pod uslovima i na način propisan Zakonom o penzijskom i invalidskom osiguranju.

U postupku po zahtjevu imenovanog, a uvidom u službene evidencije Uprave policije MUP-a Kantona Sarajevo, kao i dostavljenu dokumentaciju i to Uvjerenje o podacima registrovanim u matičnoj evidenciji FZ PIO/MIO Kantonalna administrativna služba za Kanton Sarajevo br.

0001227914924 od 21.12.2022. godine, utvrđeno je da je imenovani u periodu od 01.01.1990. do 31.01.1997. godine bio u radnom odnosu u RSUP SR BiH CSB Sarajevo, Stanica javne bezbjednosti Novo Sarajevo i u periodu od 01.02.1997. do 05.08.1999. godine u MUP-u Kantona Sarajevo. Nadalje je utvrđeno da je rješenjem Ministarstva unutrašnjih poslova Kantona Sarajevo br. 02/3.2-34-3-4235 od 27.07.1999. godine, imenovanom po osnovu sporazuma prestao radni odnos u ovom Ministarstvu sa danom 05.08.1999. godine.

Imajući u vidu navedeno, te da je Zaključkom Vlade Kantona Sarajevo br. 02-04-43961-44/22 od 27.10.2022. godine, data saglasnost Ministarstvu unutrašnjih poslova Kantona Sarajevo - Upravi policije da po podnesenom ličnom zahtjevu za uplatu doprinosa zbog ispunjavanja uslova za odlazak u penziju, uplati doprinose u periodu od 01.04.1992. do 23.12.1995. godine, licima koja od formiranja Ministarstva unutrašnjih poslova kantona Sarajevo u istom imaju ili su imala status policijskog službenika (ovlaštena službena lica) i koji su bili u radnom odnosu u Centru službi bezbjednosti Sarajevo, a kako je Muratović Nesib u periodu od 01.01.1990. do 31.01.1997. godine bio u radnom odnosu u RSUP SR BiH CSB Sarajevo, Stanici javne bezbjednosti Novo Sarajevo, te u periodu od 01.02.1997. do 05.08.1999. godine u Ministarstvu unutrašnjih poslova Kantona Sarajevo, u kojim periodima je obavljao poslove ovlaštenog službenog lica na kojima se staž osiguranja računa sa uvećanim trajanjem, udovoljava se zahtjevu imenovanog za uplatu doprinosa za period koji je obuhvaćen gore navedenim Zaključkom Vlade Kantona Sarajevo (08.04.1992. - 23.12.1995. godine.), a koji je ocijenjen kao osnovan, obzirom da bi sa uplatama doprinosa za period obuhvaćen Zaključkom Vlade Kantona Sarajevo imenovani trebao ispuniti uslove za starosnu penziju po Zakonu o pravima branilaca i članova njihovih boraca ("Sl. novine FBiH", br. 33/04, 56/05, 70/07, 9/10, 90/17 i 29/22).

Na osnovu izloženog, a u skladu sa članom 23. stav (3) tačka e) i h) Zakona o unutrašnjim poslovima Kantona Sarajevo i Zaključka Vlade Kantona Sarajevo br. 02-04-43961-44/22 od 27.10.2022. godine, odlučeno je kao u dispozitivu.

POUKA O PRAVNOM LIJEKU: Protiv ovog rješenja dozvoljena je žalba Policijskom odboru Vlade Kantona Sarajevo u roku od 15 (petnaest) dana od dana prijema rješenja. Žalba se podnosi putem Uprave policije MUP-a Kantona Sarajevo predajom na Pisarnicu ili putem preporučene pošte.

DOSTAVITI:

1. Imenovanom
2. U dosje
3. Sektoru za materijalno-finansijske poslove
4. Ministarstvo finansija-Sektor trezora
5. Web stranica MUP-a KS
6. a/a

POLICIJSKI KOMESAR
Generalni inspektor policije

Nusret Selimović